

父子合集經

父子合集經卷第十一

西天譯經三藏朝散大夫試鴻臚卿宣梵大師賜紫沙門臣日稱等奉

詔譯

遍淨天授記品第二十二

爾時會中有十二那由他遍淨天子見諸阿修羅王乃至光音天等於世尊所設諸供養復聞如來與授佛記心生歡喜得未曾有此諸天子已於過去無量佛所植衆德本入解正法充足法財有大神力自在無礙從座而起頭面禮足白言世尊有三摩地名超諸法樂若菩薩摩訶薩獲證如是妙三摩地所作事業離攀緣得最

上樂不生苦受無一因緣而非樂想假使入於諸地獄中種種苦具治罰逼迫由是菩薩三摩地力一切苦惱悉爲快樂如彼世間諸有情類造作諸惡不律儀事劫奪他財王法所戮或截耳鼻或斷手足或杖捶打或繩繫縛爲諸獄卒禁閉囹圄雖受楚毒心無追悔爲貪所蔽翻如樂想又諸有情傭力自濟艱辛求索以苦爲樂謂裁衣者造蠟炬者壓蔗漿者作伎樂者造飲食者供象酒者或然酥燈及油燈者如是等輩種種所作或不如法或復遲惰爲彼主者呵罵

驅遣受諸陵辱皆如樂想又如世間諸俳優者  
令他喜悅易已形狀作鵠鵠面或師子面或打  
或縛翻爲樂想何以故以彼衆生作業決定爲  
貪所使心無悔故菩薩摩訶薩亦復如是爲利  
有情能於生死長夜之中修習種種難行苦行  
志求阿耨多羅三藐三菩提乃至救濟飢渴衆  
生噉己血肉常生樂想或於菩薩惡罵捶縛及  
斷命根雖受苦惱皆生樂想如是具足廣大願  
力能與衆生種種快樂長時修作無有間斷則  
能獲得彼三摩地不爲惡魔之所動亂復能破

壞一切魔業當得如是五種自在何等爲五  
一者壽命自在二者所生自在三者業報自在四  
者尋伺自在五者受用自在彼菩薩若求一生  
成等正覺由得如是妙三摩地卽能如意滿菩  
提願若不速求無上菩提則久住無量無數阿  
僧祇劫利樂有情嚴淨佛土何以故由彼菩薩  
從初發心普爲攝受一切有情不怖惡道於彼  
受生皆令習學諸菩薩行善巧方便通達諸法  
成熟般若波羅蜜多是爲善住菩薩乘者世尊  
若菩薩樂修如是三摩地者當知是人皆是如

來威神功德之所加持則能決定入解諸法自  
性本空無有疑惑時遍淨天子作是說已合掌  
作禮以偈讚佛

我等遍淨諸天子 於佛正法能了知  
頭頂禮敬調御師 諸根寂靜無所畏  
如來以大智慧力 悉能破壞諸魔軍  
歸依最上牟尼尊 引導羣萌登彼岸  
諸法自性無所有 亦復畢竟無所住  
妄想攀緣悉了知 猶如幻師明幻事  
如是六趣諸衆生 皆從虛妄因緣有

谷響求之自性無  
 人中最上釋師子  
 彼無我相亦無人  
 如來大慈無與等  
 演實相法妙難思  
 佛觀衆生界平等  
 故能憐愍諸世間  
 我今於佛智慧海  
 清淨慈門利有情  
 如來最勝天中天  
 如來證法亦同彼  
 觀諸妄法悉皆空  
 及與衆生壽者相  
 爲度愚夫出世間  
 一切無能測量者  
 常起清淨無緣慈  
 畢竟不見衆生相  
 心無垢染離諸疑  
 堪受諸天廣供養  
 常與衆生起慈護

而於十方世界中  
既無衆生亦無苦  
已能除遣諸憂疑  
佛於諸趣不見苦  
以此愍念於有情  
無苦無救無衆生  
佛知法性本如然  
如來出現於世間  
不見慈悲喜捨心  
不見行於放逸者

求其苦性不可得  
是故如來無所緣  
獲證眞常寂靜樂  
亦無所證大菩提  
皆令棄背生死縛  
亦無菩提而可得  
故我於佛伸妙供  
以四無量利含識  
亦不見有衆生相  
亦復不見修聖道



知佛如是方便門  
牟尼常說四念處  
我於佛教如是知  
佛說觀受不可得  
乃至受者亦復然  
佛說觀心及觀法  
亦不見有所修念  
我今不見有諸法  
佛以念處度衆生  
復說念與法和合

故我於佛興供養  
觀身畢竟不可得  
今得供養救世者  
以受無有真實性  
故我於佛興供養  
二相求之不可得  
及以安住念處者  
亦復不見修法者  
彼念自性常空寂  
欲求解脫應修習

我於佛教如是知  
念處一尚不可得  
是故我今達佛意  
如來常說四正勤  
斯則能爲解脫因  
如是無解亦無縛  
而復不壞其假名  
佛說如意四神足  
諸根寂靜解脫人  
又彼如意及神足

今得供養一切智  
況復說有二三四  
畢竟無受苦樂者  
有諸比丘專修習  
得越輪迴生死海  
無佛無法及菩提  
故我於佛伸敬禮  
最上殊勝安隱樂  
修此能得涅槃道  
諦觀彼體不可見

非動非靜非無作  
今此衆會諸天子  
我於佛教正了知  
此爲最上法供養  
如來妙智無等倫  
又復牟尼說五根  
出生福智二資糧  
所謂信進念定慧  
我於佛法無有疑  
如來宣說五種力

如是顯現難思議  
而不見有衆生想  
皆能遠離諸疑惑  
唯佛堪任受此供  
故我一心生讚歎  
此法能得菩提道  
善觀察者除放逸  
不見能修及所得  
是故今當興供養  
能除邪見心諂曲

息諸煩惱破諸魔  
如是諸力無能屈  
我於佛法離諸疑  
大仙開示七覺分  
善修習者諸有情  
牟尼復說入聖道  
常修聖智現其前  
如是聖智及諸惑  
諸天於此得無疑  
於奢摩他善修習  
趣向無爲寂靜道  
無有所縛及縛者  
今當供養調御士  
最上清淨菩提道  
得證眞常安隱處  
成熟衆生諸善根  
能盡苦際諸纏縛  
畢竟清淨無有餘  
故我供養人中聖  
毘鉢舍那亦復然

如來曠劫悉圓成  
如是相應因與果  
諸天於此得無疑  
說不淨觀除貪欲  
以其智慧遣愚癡  
彼皆無作無罪相  
諸天於此得無疑  
又復佛說十不善  
惡言綺語貪恚癡  
衆生非有亦無殺

能斷諸惑及習氣  
及觀察者悉皆空  
故我供養牟尼主  
慈心對治彼瞋恚  
爲利衆生佛所說  
是故不垢亦不淨  
由此供養無上士  
殺盜婬妄及兩舌  
此等名爲十業道  
餘九過惡理同然

無善惡相無對治 以彼罪性本空寂  
此義非無佛正教 然其不壞法體性  
如是牟尼最上法 宣揚引導諸羣迷  
如理作意正思惟 是名最上眞佛子  
爾時遍淨諸天子說是偈已咸各默然住在一  
面時佛世尊知諸天子心之所念希授佛記口  
中忽放清淨光明尊者馬勝見是事已合掌向  
佛以偈問曰

善哉調御大聖王 爲利羣生出於世  
甚深智慧妙難思 而能化伏諸天衆

窮盡諸法救世者  
能與衆生作導師  
此諸遍淨天子衆  
瞻仰如來功德山  
佛爲最上天人師  
當願憐念諸衆生  
何人於此生淨心  
彼於十方世界中  
誰於未來佛刹土  
善宣無上妙法輪

現斯瑞相非無因  
唯冀能仁爲演說  
合掌稱讚甚希有  
聞已一心而頂受  
了達諸法無罣礙  
說此放光神變事  
解於微妙甘露句  
當得圓明一切智  
饒益攝受諸羣迷  
降伏魔軍及異論

是諸天子於佛教  
唯願如來震法音  
百福莊嚴無上士  
八種功德梵音聲  
若有衆生於佛所  
堅固不退菩提心  
如來善說微妙法  
佛子淨心當奉持  
爾時世尊爲馬勝比丘說伽陀曰  
馬勝善問放光事  
我爲利樂諸天人  
深入義味心決定  
使諸時會除疑網  
慈心普覆於世間  
咸願聞持佛教勅  
樂聞正法勤修習  
漸能成就一切智  
能盡有情生死苦  
則令佛種永不斷



汝所得福叵思量  
善哉尊者應其機  
此等遍淨諸天人  
往昔曾供於諸佛  
達諸法性無有疑  
彼由往昔因緣故  
此生復以清淨心  
後於優曇鉢羅劫  
教化那由他衆生  
同一劫中出於世  
比喻說之尙無盡  
一切大衆心忻悅  
於我法中得解脫  
其數千億那由他  
各於彼佛問斯義  
以妙伽陀讚於佛  
稱揚賢劫諸善逝  
成佛號曰那羅延  
悉證無爲寂靜樂  
皆名法幢正等覺

化度衆生數同等  
次等皆當成佛道  
是諸如來化緣畢  
分布遺形諸舍利  
建立無量窠堵波  
猶若散花嚴佛刹  
如是所有衆生類  
各於舍利興供養  
咸登寂靜甘露門  
一切如來所稱歎  
若有稱彼佛名號  
發生淨信歡喜心  
當知由是善因緣  
得值當來彌勒佛  
彼得慈尊攝受故  
勤加精進斷諸結  
樂修寂靜奢摩他  
漸次得成無學果  
從一佛刹至佛刹  
供養親近無疲懈

於諸天人大衆中

稱揚最上佛功德

今此遍淨諸天子

皆具威德大名聞

深達佛智不思議

各各頂禮如來足

父子合集經廣果天授記品第二十三

爾時會中有八俱胝廣果天子見諸阿修羅王  
乃至遍淨天等於世尊所種種施設作諸供養  
奉上如來復聞與授成佛之記心大歡喜得未  
曾有是諸天子卽作是念如來所說一切諸法  
於三際中求不可得一切諸根皆不可說若能  
入解彼法界者則能通達一切諸法若能了知

一切諸法則能證得四如實諦所謂苦諦集諦滅諦道諦如世尊說一切諸法皆悉空寂無我無人無衆生無壽者無想無作我等天子於此法中心得決了不生疑惑世尊以諸衆生本寂靜故則無有苦當如是知所以者何衆生無故苦諦亦無以無苦故集諦亦無何以故若無是因則無其果世尊以無集故滅諦亦無何以故若無集諦則無斷集以無滅故道諦亦無何以故無有是道不斷集者世尊彼煩惱業不可得故斷煩惱滅亦不可得以滅不可得故道亦不

可得未有是道無其果者此四聖諦但是分別  
假施設有以非有故不可說爲過現未來何以  
故過去已滅現在不住未來未至於三際中皆  
不可得依世俗諦有種種相若三際非有彼則  
無生亦非有滅無想無作無施無受無說無聽  
無所說法無了悟者以彼三世未曾有故若法  
若空皆不可說衆生顛倒不能入解無因無緣  
無名無相無所詮表無所趣向自性離故皆不  
可得彼不可得亦不可得何以故以衆生界本  
非有故若彼彼法皆不可得則無染淨無作無

證無凡夫地無聲聞地無緣覺地無菩薩地無  
如來地非地非無地此卽眞如寂靜無相若說  
有表有爲限量名如來者依世俗說非勝義中  
有如來也何以故法無得故若彼如來廣大宣  
說色界乃至識界如是意界乃至法界若無法  
界無所依止亦無詮表無四諦無五根無緣生  
等世尊彼一切法隨其所在安布建立種種名  
字然不壞彼法界體性世尊如彼地界隨其方  
處建立名字亦不壞彼地界本性如水界火  
界風界空界立異名字亦復如是世尊又若證

入彼法界者卽能入解二十二根所謂眼根耳根鼻根舌根身根女根男根命根苦根樂憂根喜根捨根意根信根精進根念根定根慧根未知當知根已知根具知根世尊若眼眼體不可得若根根體亦不可得何以故眼離自性不可見故若法自性不有彼卽非物以非物故卽不可作若不可作彼卽不生若不生者卽是不滅以不生不滅故不可說爲過現未來於三世中無生滅者彼卽非眼亦非眼根何有作用世俗詮表世尊譬如空拳中無有物但誑愚童唯假

名爾勝義諦中以至空拳所立名字亦不可得  
如是乃至眼及眼根於勝義中亦復非有  
父子合集經卷第十一





父子合集經卷第十二

西天三藏朝散大夫試鴻臚卿宣梵大師賜紫沙門臣日稱等奉

詔譯

廣果天授記品之餘

世尊如是色蘊無有分量無所住持亦非入解  
何以故以色自性不可得故若諸法非作則無  
積聚由積聚故說名爲蘊猶如世間造立舍宅  
宮殿樓閣戶牖軒檻園林渠流牆墉圍繞多物  
積聚名爲城邑當知彼色本來非有復以何法  
名爲積聚以無積聚亦無彼蘊受想行識亦復  
如是若於諸蘊各得入解所造淨色任持自性

皆不可得當知地界地界性畢竟清淨乃至風  
界風界性皆界畢清淨何以故自性離故復何  
說有過現未來生滅等相是故色蘊不可分別  
受想行識亦不可分別世尊又若眼處自性非  
有本來清淨亦無有苦但是世俗假名顯示彼  
名及體俱不可得何以故實無少法得名爲眼  
亦無少法得名爲處如是耳鼻舌身意色聲香  
味觸法等處自性非有本來清淨苦及苦名皆  
不可得世尊又彼眼界無少可得何以故若眼  
離眼性故若界離界性故乃至法界亦復如是

由自性離彼則非物以非物故則非所作非所  
作者則無有生若無生者亦無有滅若不生不  
滅卽無過去現在未來建立施設當知諸法本  
離自性若法離自性者無名相無作用無可說  
無稱讚無授記彼諸天子作是說已時會聞者  
心生愛樂歡喜踊躍快得善利時彼天主卽從  
座起前詣佛所白言世尊有三摩地名無量義  
門若菩薩摩訶薩能修習是三摩地者則能獲  
得無量辯才所謂相續辯才相應辯才正說辯  
才無著辯才不謬辯才微密辯才甚深辯才善

巧辯才美妙辯才正論辯才得如是等殊勝辯  
才各各入解無量法門具足正見達諸法性捨  
離攀緣滅除癡暗了勝義法入總持門入解蘊  
入解處入解界入解諸根入解四諦入解緣生  
入解衆生入解無衆生入解有想入解無想入  
解有形入解無形入解我入解無我入解空入  
解不空入解相入解無相入解願入解無願入  
解出離入解不出離入解有爲入解無爲於如  
來教不可詮表但唯假名世俗分別非言說非  
無言說非思議非無思議非見非無見非聞非

無聞非覺非無覺非知非無知非了別非無了  
別非悟非不悟非得非無得非對非無對非證  
非無證非白非黑非明非暗非淺非深非清非  
濁非安非動非縛非解非順非違非染非淨非  
去非來非生非滅非智非愚非成非壞非道非  
非道非執非離執非衆生非無衆生非壽者非  
無壽者非我非無我非有非不有非空非不空  
非相非無相非願非無願非出離非無出離非  
有爲非無爲非斷非常非邪非正非眞非假非  
實非妄非住非無住非依止非無依止非解脫

非離解脫非觀察非現證非輪迴非涅槃非凡  
夫境界非聲聞境界非緣覺境界非菩薩境界  
非佛境界非境界非非境界若能如是入解法  
界則能入解十二緣生所謂無明緣行行緣識  
乃至憂悲苦惱爲大苦聚世尊又彼無明性不  
可得何以故自性離故若法自性離者彼則非  
物以非物故則畢竟清淨亦無生滅非三世攝  
無名無相不可顯示亦無記別但爲成熟愚夫  
異生假名安立生諸戲論於勝義中實不可得  
世尊又若無明無自性者云何生彼行支耶以

無明無故行支亦無乃至無彼生緣老死世尊  
若法不生云何有老若無老者亦無有病及以  
滅故卽彼三世諸佛菩提但唯世俗名字施設  
非勝義諦作如是說所言無明卽是菩提諸有  
支等亦卽菩提如是入解十二緣生卽是入解  
眞實法界世尊如來不生一切法亦不生是故  
無生法卽是如來世尊如來不滅一切法亦不  
滅是故不滅法卽是如來世尊如來無相一切  
法亦無相是故無相法卽是如來舉要言之如  
是無名無相不垢不淨非愛非憎法界不可識



亦復不可知世尊眞如者卽是如來一切諸法  
卽是眞如是故一切法卽是如來世尊實際者  
卽是如來一切諸法卽是實際是故一切法卽  
是如來世尊隨所有法卽是如來於其法中卽  
有一切法是故一切法卽是如來世尊若有人  
言如來得阿耨多羅三藐三菩提者當知此人  
是執著見何以故如來無二菩提亦無二以無  
二故而無所得世尊若有人言如來轉於無上  
法輪當知是人爲執著見何以故實無少法如  
來可得以諸法性非隨轉故世尊若有人言如

來化度無量衆生當知是人執著見何以故  
實無衆生如來度者世尊若有人言如來緣盡  
入般涅槃當知是人執著見何以故法性常  
住非生滅故若有衆生於我所說如是法要能  
信解者當知是人於阿耨多羅三藐三菩提得  
不退轉世尊假使法界有其變異若善男子善  
女人深信是法於佛菩提而退轉者無有是處  
時諸廣果天子於如來前說已所證勝義法已  
頭面禮足右繞三匝一心合掌以偈讚佛

歸命牟尼大聖主 具足勝慧無過上

憐愍世間諸有情  
成就無量功德聚  
既自了達諸法性  
五蘊自性本非有  
譬如膠著獼猴身  
蘊體求之不可得  
如以瓔珞飾虛空  
又復牟尼作是說  
猶如深谷傳於聲  
愚癡凡夫由此縛  
常說如是第一義  
救拔輪迴諸苦因  
復能開示於羣品  
應知但誑彼愚夫  
無智疑惑不能脫  
無所依止絕攀緣  
智者於斯得解脫  
諸入自性悉皆無  
彼響尋之何所有  
於真諦法不了知

如持珠寶莊嚴風  
彼一切智作是說  
如示空拳但有名  
凡愚妄想執爲有  
展轉輪迴三有中  
又復如來作是說  
如諸影象現鏡中  
無智疑惑不能了  
猶如深淵墮網魚  
衆生本空法亦空

智者觀之無所著  
諸界本來常空寂  
誑誘愚童實無得  
由於勝義不能解  
譬如商人迷巨海  
諸根自性常清淨  
畢竟尋之本非有  
迷真實法妄生愛  
爲彼纏縛何由脫  
依眞勝義無所得

如依壁繪士夫形  
智者觀之非有我  
愚夫執著生愛樂  
皆由不達於正教  
因緣自性無所依  
如彼卵生出於殼  
緣生之法剎那有  
暫起卽滅匪堅牢  
如人夢中受五欲  
覺位推求何有樂  
無始有情妄分別  
常爲境界之所縛  
若能達彼法性空  
如彼飛禽脫籠網  
諸法寂靜離言說  
佛能於此證法性  
諸法寂靜本來空  
佛能如是歸圓寂  
諸法寂靜離諸相  
佛能宣暢第一義

佛於三界無所著  
佛於諸法離諸怖  
廣宣正教破羣迷  
佛於諸法離分別  
此唯如來方便門  
或有衆生作是說  
或有衆生作是說  
或有衆生作是說  
或有衆生作是說  
或有人作如是說  
饒益無量衆生已

如來由是出於世  
由不起彼自他想  
故稱善導衆生者  
而能助顯第一義  
非是凡夫之境界  
如來已證大菩提  
如來能轉妙法輪  
如來已度河沙衆  
佛於輪迴久解脫  
入於寂靜大涅槃

皆是凡夫所執見 爲彼魔黨之所持  
於勝義法不了知 以不了故不知佛  
若有達斯正法者 是人決定得菩提  
廣能救度諸世間 具足最上功德聚  
如是吉祥寂靜法 體卽眞如無變異  
唯有牟尼能證知 我已善達實相義  
今此廣果諸天子 於甚深法心決了  
恭敬合掌無異緣 住立佛前廣宣說  
爾時世尊知彼廣果諸天子等畢竟悟入第一  
義諦亦能增長時衆善根卽於口中放大光明

時尊者馬勝矚斯相已合掌向佛以偈問曰

具足福智無上士何因現此神變相

我曾往昔從佛聞若放淨光爲大利

如來現此奇相已能令衆會心泰然

諸天及人阿脩羅咸願親聞佛所說

牟尼今者有何故口中忽放清涼光

大衆合掌住佛前瞻仰尊顏無暫捨

佛爲無上天人師願速演斯希有相

一切世間諸有情若聞佛說除猶豫

今此廣果天人衆各各自知成佛事



彼無所證亦無修 何人所作何所得  
如來八種梵音聲 衆生聞已咸忻慶  
隨順正理如法行 悉能護持於佛教  
我等衆會生渴仰 冀於佛所得親聞  
若蒙佛說宿修因 增長人天諸善利  
彼諸天子久植本 決定成就一切智  
當度無量苦衆生 令悟眞如法自性  
爾時世尊爲馬勝比丘說伽陀曰  
善哉馬勝發斯問 我當爲汝分別說  
爲利廣果諸天人 於大衆中現此瑞

如來具足一切智  
隨順觀察彼機緣  
或有樂住涅槃者  
或有愛樂默然者  
或樂爲世大導師  
故我觀察彼善根  
若求聲聞得度者  
爲求緣覺解脫人  
馬勝當知最上光  
如其次第下中上

有三種因放光明  
現此吉祥神變事  
小智求彼聲聞乘  
志求緣覺菩提果  
求佛菩提利含識  
隨其樂欲而施設  
卽爲彼放下品光  
放中品光而濟度  
與諸天子授佛記  
顯示三乘得果證

若爲聲聞放光明  
若爲辟支佛淨光  
若爲求彼無上道  
隨其勝劣有所表  
馬勝比尼當了知  
若光漸次復增廣  
等佛身量遍莊嚴  
如是變現淨光明  
若光出已猶如蓋  
有光如華住空中

其光出已從足沒  
現已卽向臍中隱  
其光從佛頂門入  
今與諸天記佛果  
我今復說光明相  
從空宛轉而右旋  
赫弈猶若融金聚  
當知記別佛刹土  
於上遍覆如來身  
煥然顯發端嚴相

或光三匝入佛身  
斯皆記別佛壽命  
當知如來所現相  
善應羣機信樂心  
今此廣果諸天子  
滿足八十俱胝數  
已經那由他劫中  
承事供養於諸佛  
常樂說是勝義法  
化利含識不疲勞  
誓求無上大菩提  
勇猛勤修無退屈  
過三十六俱胝劫  
具修福慧植善根  
救度無邊諸有情  
悉令離苦獲安隱  
然後皆當得作佛  
同名號曰那羅延  
其劫稱爲勝金幢  
各於異剎成正覺

一一如來出於世  
佛身猶若淨日輪  
彼諸如來壽長遠  
各各化度諸聲聞  
假使算師及弟子  
化菩薩衆亦無邊  
如是此諸菩薩衆  
由是堅固菩提心  
彼諸如來化緣畢  
十二那由他劫中

國土清淨妙莊嚴  
具智光明功德聚  
住世過於那由劫  
其數廣多無有量  
比喻校計不能知  
與聲聞數等無異  
一同先佛所修行  
皆能成就一切智  
正法久住於世間  
爲諸佛子常守護

當其正法廣流布  
數量猶如殍伽沙  
如是彼佛滅度已  
悉皆求趣於涅槃  
大衆今聞佛所說  
歡喜住立於佛前  
以無與等妙供養  
咸發堅勇精進心  
勤修勝慧波羅蜜  
此是最上眞實門

有發菩提大心者  
各各勤修菩薩行  
所有證悟聲聞人  
猶如薪盡火隨滅  
咸發淨心生信解  
一心頂禮如來足  
奉上調御天人師  
如救頭然求出離  
常樂親近說法師  
汝等比丘善修學

父子合集經卷第十二

父子合集卷第十三

西天譯經三藏朝散大夫試鴻臚卿宣梵大師賜紫沙門臣日稱等奉

詔譯

淨居天子說偈讚佛品第二十四

爾時會中有無數淨居天子及無量衆生於佛法中心得覺悟離諸疑惑深生受樂歡喜踊躍得未曾有一心合掌住立佛前各以伽陀稱讚於佛

爾時善施天子而說偈言

佛昔捨身命 國土及妻子 圓滿彼施行

故我稽首禮



爾時淨戒天子而說偈言

堅固持淨戒 離一切垢染 能度於彼岸

頂禮具戒者

爾時安忍天子而說偈言

佛廣修忍行 爲他斷肢節 不生怨恨心

得成無上慧

爾時精進天子而說偈言

大雄猛世尊 捨生死重擔 勤行無退屈

速至於菩提

爾時靜慮天子而說偈言

如來大威德 常棲止禪定 不著彼世間

三際悉平等

爾時勝慧天子而說偈言

如來勝慧力 知衆生諸行 如業而受報

隨界趣流轉

爾時明福天子而說偈言

若修彼福業 勝報常現前 除不能了知

此唯佛境界

爾時了罪性天子而說偈言

衆生由惑業 常貪求彼物 於心若了悟

一切悉通達

爾時善巧智天了而說偈言

若人於佛智 善思惟分別 常念如己物

菩提不難得

爾時善巧行天子而說偈言

若起諸惑業 內心非所思 了罪性本空

此爲證法者

爾時遍趣行天子而說偈言

若人造諸行 隨善惡流轉 受好醜之報

佛眼悉知見

爾時離攀緣天子而說偈言

若於所受報 能了知攀緣

雖生諸趣中

常與智隨轉

爾時隨順善巧天子而說偈言

若造作諸惡 或修習衆善

皆由先業故

隨所生受果

爾時業善巧天子而說偈言

了三世業行 斷故不造新

愚夫無正慧

隨惡而流轉

爾時果善巧天子而說偈言

或因少果多 或因多果少  
於此不了知  
爲愚癡外道

爾時了知業行天子而說偈言  
善因生勝處 惡業墮險難  
隨衆生所行  
如來悉明了

爾時見法樂天子而說偈言  
若人受福報 而不了善法  
彼爲自欺誑  
不久當墮落

爾時善受生天子而說偈言  
若造諸勝業 順生受其報  
唯佛正了知

世間不能解

爾時善受名天子而說偈言

若業經多生 或俱胝劫數 展轉于今身

受報佛能了

爾時受報成熟天子而說偈言

若此業和合 彼有情受生 皆從昔因緣

如來悉明了

爾時根未成熟天子而說偈言

彼根未成熟 樂作不善行 遠離二足尊

不希望解脫

爾時善成熟天子而說偈言

若業已成熟 及未成熟者 業性本來空

隨心之所造

爾時決定受天子而說偈言

衆生所作業 若重若輕微 如來悉證知

受報無差忒

爾時了罪相天子而說偈言

若造衆惡行 當墮於惡趣 或外遇良緣

轉重令輕受

爾時明業報天子而說偈言

積集諸罪惡 爲彼所纏縛 不畏未來苦  
此邪見外道

爾時善思惟天子而說偈言

能思擇善行 少善招勝報 如以涓滴水

置海永無滅

爾時入解諸法天子而說偈言

若人能永盡 有漏分別業 當證無學果

是如來所說

爾時業佛智天子而說偈言

佛眼悉明了 三世諸業果 種習無遺餘



敬禮遍知者

爾時業無餘天子而說偈言

世間諸有情 或此生彼滅

如來已永盡

得稱無畏者

爾時離攀緣行天子而說偈言

衆生所行行 唯趣於生滅

果報如夢幻

此如來所說

爾時伏諸惑天子而說偈言

愚癡著欲者 如渴飲鹹水

是故調御師

觀之如夢事

爾時離分別天子而說偈言

由貪癡過患 起分別執著

智者善了知

夢中何有樂

爾時息虛妄天子而說偈言

夢中說夢事 從顛倒所起

如來所教勅

當求寂靜法

爾時觀察漏盡天子而說偈言

如人於夢中 見天雨洪注

了夢體本無

應知漏非有

爾時了夢境天子而說偈言

夢境本爲假 何曾見其漏 展轉妄想生

而作於漏解

爾時達眞常天子而說偈言

如世間童女 夢已生於子 生已而夭殤

何有別離苦

爾時尋夢境天子而說偈言

如人於夢中 爲他斷己首 彼識本無得

誰爲能斷者

爾時正觀察天子而說偈言

彼智了諸法 如夢境和合 無喜無別離

此爲眞勝義

爾時智心天子而說偈言

從佛聞正法 心了若虛空

夢中尋夢因

法性本如是

爾時意喜天子而說偈言

汝等諸天人 常樂在禪定

了知彼世間

猶如鏡中像

爾時善慧天子而說偈言

如來所說法 如笙篴發聲

饒益諸天人

故我稱讚禮

爾時了幻化天子而說偈言

幻人作幻事 愚夫不能了

智者所了知

一切皆如幻

爾時定中變化天子而說偈言

如來出於世 如夢中見幻

善達佛理者

於此無疑惑

爾時如幻化天子而說偈言

幻師知幻法 於幻能變現

由於彼幻故

則見諸法性

爾時分別觀智天子而說偈言

汝觀世間佛  
起思惟分別  
夢中見佛身  
於法何所說

爾時離思惟天子而說偈言

無物不生貪  
由貪而積聚  
無思亦無貪

見佛亦如此

爾時正智天子而說偈言

深谷本無聲  
亦無彼聽者  
如是達佛理

於世無所著

爾時善說天子而說偈言

如人聞谷響  
彼聲不可得  
愚夫不了知

妄執以爲實

爾時各各入解天子而說偈言

諸愚夫執著 不達勝義法

若了法性者

自他無疑惑

爾時求利益天子而說偈言

最上勝義法 諸佛等無異

無說亦無聽

及彼領悟者

爾時入解法天子而說偈言

斷諸煩惱垢 分別所分別

離染得清淨

牟尼之所說

爾時善思惟天子而說偈言

於諸法名數斷有漏煩惱

心淨無瑕穢

是名眞佛子

爾時無依止天子而說偈言

心等於虛空三界無所著

善施不希報

寂靜無畏者

爾時無染汚天子而說偈言

於欲離諸貪色無色亦爾

牟尼心平等

如空無障礙

爾時無希望天子而說偈言



於欲不希望  
色無色亦爾  
離和合相應

歸依無上王

爾時拔愛欲天子而說偈言

由斷彼愛垢  
拔三有毒箭  
敬禮調御師

永超於彼岸

爾時降伏愛天子而說偈言

發最上精進  
伏除世貪愛  
常起大悲心

是爲救世者

爾時離相應愛天子而說偈言

離相應愛欲  
不復受輪迴  
歸依無上尊

如蓮超濁水

爾時達法性天子而說偈言

歸依離縛者 善達實相義

明了諸法性

其心無所畏

爾時超欲泥天子而說偈言

貪欲如淤泥 勇捍能超越

敬禮牟尼尊

不復生三有

爾時棄珍玩天子而說偈言

若人遠追求 則能離諸惡

於珍玩無貪

心淨踰於彼

爾時離憂天子而說偈言

若人於欲境 心不生放逸 則能越魔網

是爲大智者

爾時施無畏天子而說偈言

自他修正行 離憂怖熱惱 佛以無礙辯

令衆生覺了

爾時持譽天子而說偈言

若聞佛音教 善思惟分別 是人於世間

能盡諸苦際

爾時無所畏天子而說偈言

救世釋師子 智海廣無極 決定了諸法

能起對治道

爾時離諸怖天子而說偈言

敬禮天中尊 無垢無所著 善拔煩惱箭

能離一切怖

爾時無所著天子而說偈言

若諸天魔梵 請佛轉法輪 於大集會中

唯佛得無畏

爾時師子奮迅天子而說偈言

善說一切法 成就一切智 敬禮釋師子

三界無倫比

爾時除驚怖天子而說偈言

師子依山谷

心常離諸怖

震吼林藪中

馳散餘小獸

聖主出世間

智慧叵思議

演法怖衆魔

降伏諸外道

爾時降伏魔怨天子而說偈言

所

所字獅谷  
刻本作如

來所得法

世間無與等

故我稽首禮

聖中最聖者

爾時師子慧天子而說偈言

敬禮牟尼主

衆聖之導師

成就一切智

通達無邊法

爾時隨佛受生天子而說偈言

如來證諸法 無能發問者

隨佛所受生

請宣深妙義

爾時持藏天子而說偈言

佛持正法藏 無畏善宣說

百千億有情

皆令生覺悟

爾時隨法行天子而說偈言

隨法修諸行 能發菩提心

於世間勇猛

爲最上丈夫

爾時樂法樂天子而說偈言

彼大心衆生

由聞佛音教

如法而行學

得成無上果

爾時淨心天子而說偈言

如來梵音聲

聞已心清淨

雖萬類機緣

無能發問者

爾時清淨眷屬天子而說偈言

佛於長夜中

如理修衆行

具相好光明

得眷屬圓滿

爾時無漏法天子而說偈言

如來盡諸漏 故能師子吼 於未曾有法

分別除疑惑

爾時達勝義天子而說偈言

如來大智力 了諸法自性 諸天及世人

無有如佛者

爾時盡諸漏天子而說偈言

最勝大沙門 畢竟盡諸漏 今此大會中

無能伸詰問

爾時常勇猛天子而說偈言

大雄大智力 諸法無不見 惑業盡無餘



於問難無惱

爾時寂意天子而說偈言

永離貪過患

瞋癡亦復然

不起惡業思

敬禮寂靜者

爾時相應行天子而說偈言

歸依善逝師

永盡諸業惑

正行常相應

至一切智處

爾時相應智天子而說偈言

無邊相應行

爲佛所行處

種現習亦除

得成一切智

爾時相應慧天子而說偈言

佛以相應慧

爲世作照明

根本諸惑因

畢竟永除斷

爾時寂靜受天子而說偈言

永斷一切惑

深心常寂靜

佛子善精進

於怖何所有

爾時智現證天子而說偈言

佛盡諸煩惱

種現及俱生

破衆生無明

大悲無與等

爾時拔除隨惑天子而說偈言

牟尼天中天天以智能覺悟

斷增上隨惑

及除餘習氣

爾時安隱住天子而說偈言

能仁出興世 斷諸有漏因

示現從母生

爲利有情故

爾時離諸染天子而說偈言

調御天人師 離煩惱怖畏

焚燒苦根芽

無復餘種子

爾時除虛妄天子而說偈言

佛以一切智 永棄無明垢

依止清淨行

此名善調伏

父子合集經卷第十三



父子合集經卷第十四

西天譯經三藏朝散大夫試鴻臚卿宣梵大師賜紫沙門臣日稱等奉

詔譯

淨居天說偈讚佛品之二

爾時善稱讚天子而說偈言

佛超三有海 能化彼難化 是故於世間

得稱無所畏

爾時眞眞諦天子而說偈言

成就一切智 滅除諸惑業 令盡無遺餘

是名大寂靜

爾時法幢天子而說偈言

建高勝法幢

摧堅固我慢

無量勇健力

示衆生正道

爾時法海天子而說偈言

牟尼說諸法 爲大法寶藏

開導彼羣迷

令至安隱處

爾時法衣天子而說偈言

佛子住大法 其心無厭足

安忍離諸怖

故能師子吼

爾時求法義天子而說偈言

佛子善了知 當勤求正法

聞已如教行

速得菩提道

爾時渴仰法天子而說偈言

無量百千萬

俱胝有情衆

希望佛音聲

志固常精進

爾時勇法天子而說偈言

具廣大辯才

摧滅諸異論

樂修殊勝行

得最上菩提

爾時持法天子而說偈言

佛說第一法

甚深極難了

印勝義皆空

令得寂靜道



爾時樂勇施天子而說偈言

佛子善行施 損捨己身命

以是因緣故

得成最正覺

爾時離染慧天子而說偈言

堅固持淨戒 其心無所畏

聞佛正法音

頂受無妄失

爾時無異緣天子而說偈言

聖主法中王 善巧說諸法

不求二乘果

勤修無上道

爾時近住天子而說偈言

世雄二足尊 爲衆生出現 分別說三乘  
究竟唯佛智

爾時成就辯才天子而說偈言

佛名遍十方 辯才無限礙 咸以清淨心

於所說隨喜

爾時各各成就辯才天子而說偈言

若人無辯才 從佛所求願 說法除諸怖

聞者不毀訾

爾時常喜天子而說偈言

佛子住忍力 爲呵毀無恚 志求大菩提

常喜無怯弱

爾時離二乘天子而說偈言

爲如來長子 不樂下劣乘 若聞佛音聲

唯趣無上道

爾時無能勝天子而說偈言

勇猛大精進 不怖諸煩惱 捨緣覺聲聞

誓求無上慧

爾時相續善法天子而說偈言

樂修淨分法 而無有間斷 牟尼大導師

知彼所依處

爾時善說法天子而說偈言

攝受彼正法 如來所印可

住堅固精進

如滿月無減

爾時善法性天子而說偈言

法自性潔白 爲客塵所覆

皆由染汚心

如來能現證

爾時達正理天子而說偈言

法性本無染 黑白不共住

此正理相應

如來之所說

爾時分別善惡天子而說偈言

一切不善法

善力能摧滅

若惡法增多

違損於白業

爾時入正解天子而說偈言

由彼染污行

白法不增長

定爲損害緣

此如來所說

爾時求解脫天子而說偈言

染污力強盛

心不希解脫

隱覆一切智

於此善決擇

爾時明心天子而說偈言

心若脫諸欲

惡業不復生

如來能證知

爲衆生演說

爾時見煩惱天子而說偈言

若不了正法 不知染污行 常違背佛言

去聖道彌遠

爾時見罪行天子而說偈言

若不造諸惡 善業則增益 是故彼智人

樂解脫安樂

爾時信力天子而說偈言

離貪恚癡行 則能越惡道 如來出世間

常如是教誨

爾時知善惡天子而說偈言

若於染淨法 心不能分別

佛說如是人

爲極愚癡者

爾時解脫行天子而說偈言

隨順佛教誨 棄捨諸不善

是人於聖道

決定得成就

爾時解脫現前天子而說偈言

若業諸惡法 白業則現前

精勤無退修

弊魔不得便

爾時順正理天子而說偈言

諸佛所說法  
利樂於羣生  
今遠離非處

不隨彼勸請

爾時吉祥無畏天子而說偈言

不淨觀治貪  
爲相應正行  
彼貪旣除已

當令障轉遠

爾時進趣勝慧天子而說偈言

慈心觀治瞋  
彼瞋得解脫  
設復遇深怨

而不生少怖

爾時淨眼天子而說偈言

淨慧斷癡惑  
是所對治法  
彼癡已遣除



不隨他教勅

爾時破疑惑天子而說偈言

住正念思惟 能離諸疑惑

設遇邪師友

依法善調伏

爾時達無相天子而說偈言

如來說空法 依空善安住

既達於正理

此不由他悟

爾時除我慢天子而說偈言

了自他我慢 高舉何所得

與正行相應

皆悉令除斷

爾時寂意天子而說偈言

永斷諸疑惑 深心常寂靜

煩惱不復生

安隱而得度

爾時觀照天子而說偈言

了知道非道 依淨而離染

隨順諸佛言

除怖得解脫

爾時了世俗天子而說偈言

世俗唯假名 能起對治道

當知彼世尊

亦假名設施

爾時身威儀天子而說偈言

以智爲前導 身業隨法行 利樂諸有情

得成一切智

爾時淨身業天子而說偈言

佛身業清淨 所作無錯謬 憐愍諸衆生

我今歸命禮

爾時身業決定天子而說偈言

身業善決擇 方便利羣品 信禮調御師

爲世照明者

爾時善觀身天子而說偈言

善觀察身業 是清淨相好 爲無上丈夫

能與一切樂

爾時成就語業天子而說偈言

遠離彼惡言 具美妙功德

住正念思惟

是如來所說

爾時應辯天子而說偈言

如來梵音聲 世間咸尊重

善察彼時機

非義利不說

爾時成就義利天子而說偈言

遠離不饒益 與相應安樂

不壞於果報

是先佛所說

爾時不相違天子而說偈言

未嘗邪活命 求利而妄語 故佛大名聞

世所不能壞

爾時實語天子而說偈言

佛出於世間 所說皆真實 是故諸天人

咸樂聞妙法

爾時了實際天子而說偈言

佛以實語故 得成最正覺 了緣生諸法

名正遍知者

爾時超緣生天子而說偈言

若有爲諸法 及諸法實性 牟尼法中王

如理悉知見

爾時決定行天子而說偈言

於自他所作 身語意業行 佛以清淨智

悉能分別說

爾時定意天子而說偈言

佛以清淨意 六返觀衆生 歸命救世尊

大悲無與等

爾時善伺察天子而說偈言

如來有所作 威儀無缺減 悲智常相應

愍念於三有

爾時覺意天子而說偈言

佛心所緣處 身語惡調柔 於諸大衆中

未嘗有錯謬

爾時明了意天子而說偈言

佛以意爲地 大悲觀衆生 知法自性空

方便令開悟

爾時過去善巧天子而說偈言

若人於往昔 所修諸行業 施戒忍進禪

如來悉明了

爾時觀察過去天子而說偈言

宿植諸德本承事多億佛

今滿彼昔心

獲得菩提果

爾時具足相應行天子而說偈言

佛於無量劫隨處修勝行

正念常相應

不捨菩提故

爾時觀察先行天子而說偈言

親近諸如來修習善諮問

樂住三摩地

出生種種法

爾時本行相應天子而說偈言



過去諸佛所 請問如教行 於三摩地門

觀察無疲倦

爾時知宿住天子而說偈言

生死多過失 應作不應作 如來了知已  
爲說解脫法

爾時觀先業行天子而說偈言

昔同造諸惡 染污業相似 或迭相食噉  
或與之遊戲

爾時了前際天子而說偈言

如來出世間 以禪定智力 能知過去世

諸趣無不礙

爾時知後際天子而說偈言

佛知未來世 智慧無障礙 此歿及彼生

業報亦復爾

爾時知後際境界天子而說偈言

如來知後際 智力無限礙 衆生所行行

隨業受其報

爾時離輪迴天子而說偈言

如來大勇猛 成就無上慧 於三有不著

住最勝境界

爾時了世俗天子而說偈言

衆生所歸趣

起種種憶想

但唯假名字

此如來所說

爾時觀現在天子而說偈言

現在勇猛尊

智力無能壞

河沙諸佛士

分別無限礙

爾時住無畏天子而說偈言

聖主法中王

照三世平等

諸法無自性

愚夫不能了

爾時智無著天子而說偈言

如來善調伏 三世無所住 以法離自性  
一切無所得

爾時明三世慧天子而說偈言  
了過未無體 蘊起條歸滅 如是輪迴相  
牟尼之所說

爾時意無著天子而詳偈言  
諸法皆幻化 如陽焰谷響 有情及世間

自性非真實

爾時喜三世天子而說偈言

如來慧無等 能了知三世 諸根自性空

一切皆如幻

爾時樂欲行天子而說偈言

如來於中夜 示現成正覺

發勤勇樂欲

未曾有退減

爾時發起樂欲天子而說偈言

佛爲世光明 精進無損減

由彼大勇猛

超出成正覺

爾時超欲想天子而說偈言

佛出於世間 極勇猛精進

能超欲淤泥

如蓮不著水

爾時樂欲解脫天子而說偈言

如來出興世 說法界平等

唯一無二相

故我稱讚禮

爾時發起精進天子而說偈言

如來大威德 能警覺羣品

勤修不懈怠

天魔不能壞

爾時具正念天子而說偈言

佛於一切處 常起彼正念

是故成道已

獲得忿無減

爾時住等引天子而說偈言

如來常在定 知衆生性欲 隨彼所修行

而爲說諸法

爾時尊重正智天子而說偈言

世尊大智海 邊際無限量 設經百千劫

說之不能盡

爾時樂解脫天子而說偈言

無能勝丈夫 樂最上解脫 由證解脫故

於三有不著

爾時相應解脫天子而說偈言

牟尼大聖主 具解脫知見 度無盡衆生

眞智無有減

爾時觀往行天子而說偈言

昔於燃燈佛 達勝義法行

勤修不退轉

證得大菩提

爾時甚深行天子而說偈言

佛久離諸惡 非如餘有情

知法自性空

於三際無礙

爾時廣慧天子而說偈言

佛於一切智 心不生疑惑

正念常現前

如持油滿鉢



爾時無散亂天子而說偈言

佛心常湛然 未會有散亂 法性本無染

衆生不能解

爾時安住智天子而說偈言

如來不共法 甚深叵思議 於一切衆生

未曾不擇捨

爾時超諸有天子而說偈言

佛爲天中仙 三界無倫比 了達一切法

勝智無過上

爾時堅固不退天子而說偈言

堅勇最勝尊  
於法無所畏  
覺悟諸有情  
其心悉平等

父子合集經第十四



父子合集經卷第十五

西天譯經三藏朝散大夫試鴻臚卿宣覺大師賜紫沙門臣日稱等奉

詔譯

外道婆羅門授記品第二十五

爾時會中有外道婆羅門名鉢哩沒囉惹迦與其眷屬六萬人俱見諸阿脩羅王迦樓羅王諸大龍王夜叉乾闥婆等及瓔珞天四天王天三十三天陷摩天覩史多天樂變化天他化自在天梵衆天光音天遍淨天廣果天等作供養已蒙佛授記及聞淨居諸天子衆以妙音聲說偈讚佛歡喜踊躍得未曾有時彼外道從座而起

合掌向佛而作是言我聞瞿曇說無我法心不  
愛樂而生疑惑不樂住處無家所歸沙門瞿曇  
若無我者何故此身從因緣生我見瞿曇神通  
色相於天人中最爲第一具足成就廣大威德  
令諸見者皆生歡喜又嘗爲廣果天子說一切  
法卽是如來云何乃言無有我耶沙門瞿曇願  
爲時會如實分別我當聽受唯有如來他心能  
知令我了解斷除疑網佛言善哉外道假使汝  
伸百千問難我悉能答不以爲難我返問汝隨  
汝意答外道云何有情最初結生入母胎中汝

知之否外道答言我宗所說有三種因父母和合如是成胎佛言外道彼胎爲從父貪起耶答言不也佛言外道彼胎爲從天中退歿入母腹耶外道答言不知也外道彼胎爲從人趣中歿入母腹耶答言不知也外道彼胎從阿修羅中地獄中畜生中餓鬼中歿入母腹耶外道答言皆不知也佛言外道於意云何彼胎爲從色生入母腹耶答言不知也佛言外道於意云何彼胎爲從受想行識生入母腹耶答言不知也作是說已佛卽告言外道此法甚深微細難知非

汝論議測度能解唯具正見專心修學於此理趣方能了知譬如有人患其眼根得遇良醫治差其目由是緣故復見衆色外道若能親近諸善知識是人卽得慧眼清淨以其慧眼得見深法若不具足信等五根入解深法無有是處是故汝等諸外道輩在昔生死長夜之中爲彼邪論之所誑惑起於異見堅執不捨於其非法取爲正法於非解脫執爲解脫於非出離而爲出離汝師自壞亦壞汝等外道譬如有人自己無目爲諸盲者而作引導當知此輩必墮險難如

是沙門惑

惑字獅谷刻本作或

婆羅門實非先覺自稱先覺自

處非道說爲正道自未調伏謂已調伏自依邪

念謂爲正念自非救度謂能救度自不能知出

離之道謂我能知出離之道佛言外道如牧牛

人牽牛渡水先不能知水之淺處誤入深淵旋

轉洄洑彼牛捨此未達彼岸溺於中流困厄無

救何以故由牧牛者不能導故外道如汝等輩

實非導師自謂導師令受化者反遭困厄亦復

如是佛言外道我稱導師真善調伏令於正法

決定安隱我是正覺如實覺了令諸有情真實



覺悟我常正念憶持不忘亦令衆生離諸散亂  
我善出離求脫輪迴令所化者得盡苦際我示  
正道決定無異令所化者得到彼岸外道汝今  
欲求解脫法者應當發起清淨樂欲一心尊重  
精勤修學先所未聞出離法要當生淨信令汝  
入解先已學者汝宗論議應當捨離更不尋求  
先未獲得正法之藏令汝悟入通達無礙佛言  
外道於我法中說有三種和合相應得入胎藏  
所言父者是爲過去先業之因所言母者乃爲  
過去先業之緣最初結生羯邏藍位業招彼識

託母胎中此業熟故於彼受生如尋香城隨心  
所現識依胎已漸次增廣譬如世間藥草叢林  
依彼大地而得生長外道如是彼識入母胎已  
漸次成就身支具足將及產生形分顯現因緣  
和合相續不斷外道如是胎中最初結生分位  
差別唯除如來具一切智號正遍知真實了達  
無智愚夫則不能解

佛言外道若彼有情從地獄歿得生人趣入母  
胎中出生世間當有是相其聲嘶啞語不明了  
有所言說人不信用忽遽憶惶事多忘失心常

恐怖身毛顫聳夢中時見大火熾然釜鑊沸騰  
奔走求避獄卒羅刹執杖驅逐或見被縛置於  
柱檣以杖捶打求脫不能或見狂象毒蛇所趁  
交橫馳走不知方處爲人輕賤視之如賊外道  
是爲從地獄來有是餘習智者了知愚夫不解  
佛言外道若彼有情從畜生歿得生人趣入母  
胎中出生世間當有是相爲人闇鈍懶惰多睡  
樂食泥土咀嚼草本與愚癡人共爲交友常處  
黑暗及泥塗中或坐或立足指掘地頭多臭氣  
蠅蟲啖食動搖無時不能暫止常苦飢渴或得

微劣不淨飲食便生喜足多爲諂詐虛說見聞  
或於夢中身墮糞穢或於田野噉其水草或夢  
山谷業林之中爲彼大蟒纏繞於身受大驚怖  
無救護者外道是爲從畜生來有是餘習設經  
一劫說不能盡智者了知愚夫不解

佛言外道若彼有情從鬼趣歿得生人趣入母  
胎中生出世間當有是相其髮黃赤怒目直視  
常苦飢渴性唯慳嫉多希財利心無止足若見  
他財爲己有想於他好物思欲竊取不淨殘食  
食而無恥見他所有園林花果多欲摘取而損

壞之外道是爲從鬼趣來有是餘習智者了知  
愚夫不解

佛言外道若彼有情從脩羅歿得生人趣入母  
胎中出生世間當有是相常懷忿怒我慢高心  
樂爲諍競結怨不捨勇健多力喜於鬪戰多恃  
脣吻陵蔑於他亦有智力及無明力攻破他論  
以自活命外道是爲從脩羅來有是餘習智者  
所知愚夫不解

佛言外道若彼有情從人趣歿復生人趣入母  
胎中出生世間當有是相是人質直樂近賢善

棄遠惡人篤信守節顧惜善名性樂工巧常懷  
愧恥樂行惠施於善人所心無違逆先觀後作  
言無疎謬善能機辯通致使命所有教勅憶持  
不忘於處非處而能揀擇外道是爲從人趣來  
有是餘習智者所知愚夫不解

佛言外道若彼有情從天界歿得生人趣入母  
胎中出生世間當有是相爲人端正好潔淨  
喜服華鬘薰香塗香沐浴其身厭於塵垢於彼  
五欲歌舞音樂唯擇上妙而不淫佚常與善人  
共爲交契好登樓閣華麗堂宇性唯慈忍令他

喜悅常以上服瓔珞嚴身進止威儀心無懈惰  
外道是爲從天中來有是餘習智者所知愚夫  
不解

佛言外道若善男子善女人於善知識親近恭  
敬供養禮拜樂聞正法如理作意卽得超越如  
向所說諸惡色相

外道當知若地獄來生人間者以其先因多造  
瞋業損害有情墮在地獄受諸苦惱今得爲人  
尙懷瞋惱遇善知識爲說對治相應善法令起  
慈心漸令修習戒波羅蜜

外道當知若畜生來生人間者以其先因積集愚癡數數造作彼不淨行今得爲人尙多婬嫉遇善知識爲說十二緣生觀行對治無明令生覺悟發生淨慧漸令修習般若波羅蜜

外道當知若鬼趣來生人間者彼由先因慳貪嫉妬長時造作而無間斷今得人身性多鄙悋遇善知識爲說布施相應善法對治彼慳漸令修習施波羅蜜外道當知若阿脩羅中來生人間者彼先造作廣大福行常生我慢凌蔑他人今生人中性多高舉遇善知識爲說六處及空



法門對治我慢漸令修習忍波羅蜜

外道當知若人趣中來生人間者由彼先修十善業道慣習力故樂近善友柔和共住觀察正理悟無常法厭生死苦忻眞常樂漸次修習六波羅蜜能發無上菩提道意當得如來一切種智

外道當知若天趣中來生人間者是人前身所修施戒不能忘相皆希果報以是緣故得生天上久受天樂退生人世爲由宿昔福慧力故念己先業必從天墮而於此身勤加精進勸行布

施不應希報若住相者則爲過患應住無相得福無量勸持淨戒不應希報若取相者則爲瑕垢應當純淨離諸染污如是持戒得福無量於佛菩提得不退轉

復次外道從地獄出得生人趣者是人應當近善知識樂聞三世佛所說法住阿蘭若專修梵行精勤習學心無疲懈巧於問難分別義趣了一切法無有自性由解法故樂爲他說或於聚落城邑之中化諸比丘及比丘尼諸優婆塞優婆夷等講宣正法能令自他斷惡修善漸次修

習得無上道

復次外道從畜生脫得生人趣彼應親近善友  
良緣得聞正法捨離愚癡由善友力多聞熏習  
觀諸法空離諸纏縛而於自身作非有想於大  
衆中心無所畏自然證得平等法性了一切法  
本無自性速能獲得一切種智

復次外道從餓鬼脫得生人趣者彼應依止善  
友知識初習布施除其慳貪由行施故發生善  
慧樂求出離修清淨行於所修福無不取著了  
知三世諸法平等皆唯一相所謂無相漸次修

習得一切智

復次外道從脩羅中來生人趣者應先發心依善知識與煩惱魔共爲鬪戰煩惱魔者所謂我慢應當思惟何者是慢誰起此慢誰受此慢亦不見有捨此慢者如是作意思惟觀察我慢之相了不可得自誑己身都無實性則能了達諸法無性若法自性不有彼則非物若非物者則不可成辦若非成辦彼則不生不滅若無生滅則不可分別若無分別則無過去未來現在若三際不可得當知彼法不可破壞佛言外道如

是法性無變無異體卽眞如名爲如來應知我  
相實不可得由起我慢生修羅中或人或天流  
轉諸趣是故觀察我慢之相本無體性自他平  
等斷除餘習心得清淨外道此名捨離我慢善  
巧方便波羅蜜多汝於是中當勤修學時彼會  
中六萬外道聞說此法得無生忍從座而起頂  
禮佛足一心合掌說偈讚佛

世尊智力無與等 能了衆生所行行  
亦知諸法所歸趣 如觀掌中菴羅果  
觀彼世間諸惡業 猶如雲霧蔽虛空

愚夫不了鎮沈淪  
有說世間爲無常  
又云非常非不常  
有說世間無有邊  
又云非邊非無邊  
又說卽身執爲我  
此皆妄見之所迷  
有說大自在天化  
如是惡見覆有情  
猶如籠中所拘鳥

亦如盲者失正道  
或言世間非無常  
譬如狂象爲拘縛  
或言世間非無邊  
如彼飛禽被籠罩  
或言離身別有我  
如獸觸網心生惱  
亦云非因之所生  
如雲翳彼水中月  
眼視龍竅欲求出

當知外道愚癡人  
或有歸依大梵天  
如人處暗爲賊侵  
外道愚夫著邪見  
如囚拘繫於獄中  
若能捨邪修正行  
速令免離於輪迴  
如來備修諸苦行  
爲度愚癡邪見人  
人中師子二足尊

彼無解脫亦如是  
那羅延天多聞天  
彼無解脫常生怖  
心求出離無所依  
當如貪饒而求丐  
如來於彼起慈心  
如王赦宥蠲諸咎  
始證最上佛菩提  
皆悉解脫無明縛  
於諸法中得自在

愍彼沈淪苦海中 以方便力而拔濟  
若蒙如來大智力 消伏魔怨無有餘  
願我當得如世尊 於大衆中師子吼  
如來能動三千界 放無量光普照明  
成熟一切諸有情 唯願與授菩提記  
爾時世尊知諸外道深心信解口放淨光時尊  
者馬勝以偈問曰

如來威德無與等 令諸外道生信心  
今於天人大衆人 放大光明叵思議  
覩佛淨光從口出 猶如秋空月滿時



諸天及人咸有疑  
何人於佛伸妙供  
何人住佛功德中  
外道今聞授佛記  
如來出現於世間  
善哉牟尼大聖主  
今此衆會咸樂聞  
於佛法中生愛樂  
爾時世尊爲馬勝比丘說伽陀曰  
馬勝比丘汝當知  
今正是時發斯問  
爲欲利樂諸有情  
請益如來放光事

我今爲汝分別說  
如來所作非無因  
此諸外道悉調伏  
由入正法起對治  
了知無垢寂靜法  
從佛聞斯授記音  
已曾往昔修正行  
供養承事不疲勞  
廣行惠施心無悵  
精勤修習總持門

應當諦聽無異思  
宣生忻慶住正念  
捨於邪見得正見  
故能安住菩提道  
而於見取心厭離  
決定自知當作佛  
得值二十俱胝佛  
爲求無上菩提故  
堅持淨戒住忍力  
依三摩地發淨慧

具足六度諸功德  
摧諸異論捨邪宗  
昔由習近惡知識  
得遇如來大導師  
於彼未來星宿劫  
各各出現於世間  
其佛國土極嚴淨  
得離邪見諸衆生  
彼土無有三惡道  
諸佛壽命極延長

念念增進無退轉  
百千問難善分別  
依止羣邪異見中  
頓棄所修邪教行  
皆當作佛同一名  
號曰普遍勝名稱  
種種珍寶妙莊嚴  
同依佛教生明慧  
及以八難所逼惱  
等同八萬四千歲

父子合集經卷第十五

若人聞此佛名者  
女人得轉丈夫形  
如來善伏魔怨者  
聞已咸生歡喜心

悉能捨離於貪欲  
斯由聞佛功德力  
與諸外道授佛記  
皆當成就一切智